

欽定剿平粵匪方略

欽定勦平粵匪方略卷一百七十二 丁巳年

三月十四日

丙寅

福興文俊奏言 臣等因侍郎曾

國藩丁憂自行陳請由瑞州回籍該郡正當圍
攻喫緊經 臣等奏請留營一面委糧道李桓諄
切挽留據該道回省稟述曾國藩未允已於二
十一日起程還楚瑞軍一切布置悉如該侍郎
在營之日目下軍心大定各營兵勇已分隸副

將普承堯知府吳坤修知州劉騰鴻妥爲統轄
臣等復統籌全局西路瑞臨等處旣不可稍涉
鬆勁東路撫建兩屬尤不得置之度外加以撫
州亟宜進兵廣信亟應堵守正在熟籌兼顧東
西兩路疊據探報暨貴溪等縣稟稱十二三等
日景德鎮又續到皖南賊匪數千仍由祁婺竄
來循樂平萬年至貴溪之步前街安仁之黃金

埠等處意欲竄併撫州合前竄弋陽河口之賊
不下數萬該逆如併入撫建後長驅南路援吉
援臨隨其所之駐常山之署衢州鎮饒廷選因
廣信戒嚴卽移玉山扼防原爲就近策應諸路
協同保守信郡現聞賊竄婺源該處防勦之參
將師長鑣已退至白沙關該署總兵卽駐常山
趕辦堵勦距信郡較遠難保該逆不旁竄德興

是廣信又當其衝現在各路警報疊至圍郡軍民驚惶臣等籌議欲迅復吉臨必須分攻撫州欲進兵撫州必須先固廣信要非厚集兵力不能圖功西路情形除瑞營圍攻正緊無可抽撥外其吉安一軍昨因援賊突至不下二萬餘衆我軍大戰傷亡不少臨江一路近又因統帶接師之候補道劉長佑挫敗退紮新喻知府蕭啟

江所紮陰岡嶺之軍遂形單薄該二處皆無兵
可分查九江水陸兩軍數及二萬頃由臣等函
商湖北督撫臣等酌合於李續賓所帶兵勇內
分調數千名來江協助進攻撫州惟能否前來
尙未可知至咨調之閩兵二千節據該督臣咨
稱防兵本屬無多實難再撥須俟江省進剿建
昌時方能會合夾攻以剿爲堵現時尙隔撫州

勢不能越撫而圖建而請調之粵兵迄今亦未
接准咨覆此外則別無可調之兵若欲就地募
勇大率彼散此募斷難得力臣等目睹鷓鴣張傍
徨中夜幾於無計可施因思山東陝甘直隸等
省官兵夙稱勁旅可否籲懇

聖恩於各該省湊調精兵數千名協助江省兵力俾臣
等得以盡心勦辦庶冀疆圉早靖臣福興拜摺

後卽先赴瑞州仍趕緊馳往廣信籌辦東路現
在由省至廣信安仁沿河一帶已有逆匪在梅
港紮營與東鄉之賊相聯四出擄掠惟當迎擊
而前爲且進且勦之計曾國藩業經回籍目下
軍務緊要應請

旨飭催該侍郎迅卽來江以便共圖勦辦奏入

上命軍機大臣傳諭官文胡林翼福興文俊曰此時江

西西路各城圍攻正緊惟東路空虛特甚該將軍所擬力保廣信分攻撫州自係要著惟北路勁兵徵調已多此時實無可抽撥湖北水陸兩軍在九江者數幾二萬旣據福興咨商官文等於李續賓所帶兵勇內分調數千名卽著官文胡林翼斟酌速辦如九江卽可克復固應分兵協濟若攻克需時亦應移緩就急至該將軍擬先赴瑞州再回廣信兩郡相距較遠

誠恐策應不及著於行抵瑞州後卽由梅港東鄉一帶節節進剿直抵廣信以固閩浙藩籬瑞州營中有無可分之兵亦著妥籌分撥但不可顧此失彼南昌省城現存會國藩兵勇尙有若干能否分撥前赴撫州亦著福興等酌量辦理前據晏端書奏廣信存城兵勇不下八千名福興前赴該郡亦可就近調撥分投勦辦

十七日已晏端書奏言查婺源防所先經已革

參將師長鑣等各帶兵勇在中雲大白司分紮
兩營賊自景德鎮入婺源之富村等處師長鑣
督隊迎勦在橫槎接仗頗有斬馘署婺源縣知
縣吳詔綸等各帶兵勇助陣該逆大股麕至由
兩路山梁包抄中雲營盤師長鑣力戰陣亡吳
詔綸等突圍衝出詎該匪前股已竄入城內趕

援不及張芾於賊竄婺境之先已添派遊擊王
夢麟會同守浙嶺之都司程永年等分布扼禦
聞警時復令派隊赴清華街策應又以五嶺空
虛飭休甯縣知縣唐寶昌募勇並飭遊擊吳偉
奇等各帶川勇同赴五嶺相機堵勦又派余永
椿等帶勇前赴休甯隨同總兵周天受策應各
路迨婺源失守卽飭周天受親往五嶺督勦時

貴池之賊屯聚香口殷家匯祁黟更形喫緊復
飭署皖南鎮總兵江長貴督率都司陳培基等
分防華橋柏溪漁亭羊棧嶺等處飭黟縣知縣
王垣齊團固守該逆知防守嚴密不敢入嶺由
香口竄擾石埭之穰溪河意圖取道太平以進
翁嶺張芾飛調駐防休甯之余永椿等駐防柏
溪之許璜等從翁嶺馳赴太平之甘棠村又調

駐防濠亭之都司張崇禮等出羊棧嶺會勦太平縣知縣楊裕仁亦督團在三折嶺堵截周天受聞太平之警留吳偉奇等扼守五嶺從間道馳出湯口二月二十七日賊犯三折嶺楊裕仁督團擊退二十九日周天受派守備袁國祥防龍門嶺都司馬懷珍防三折嶺訓導吳欽曾等防鐵甲嶺該總兵督同余永椿等扼駐甘棠並

飭楊裕仁帶勇分守竹龍岡新嶺等處而婺源之賊因聞官軍進攻在西南兩門搭造浮橋意圖逃竄王夢麟等當於浙嶺派隊會同吳詔綸等整旅而前施放槍礮賊衆驚潰卽由西南兩路逃竄當將婺源縣城收復張芾以石埭之賊未退北路正在緊要飭令帶兵各員仍回嶺防以備調遣其三衢各路前因婺源失守後大股

匪徒自新建鎮竄近白沙關繆梓等添兵防剿刻下餘匪分竄樂平德興而開化等處尙有遊匪各路之防尙關緊要臣已咨饒廷選等實力防剿至婺源縣城距徽郡二百餘里距開化一百餘里閒以崇山峻嶺本屬兼顧爲難將來應如何分兵協守之處容臣咨商張芾鄧紹良酌覈辦理至已革參將師長鑣力戰捐軀可否仰

懇

天恩俯准開復原官照例議卹之處伏候

恩施其餘陣亡員弁兵勇暨在事出力官紳人等俟查

明分別奏請獎卹奏入

上諭內閣曰江西景德鎮賊匪竄陷安徽婺源縣城遊
擊王夢麟等同時進攻當將縣城收復竄逸各匪仍
著該撫飭令帶兵各員分投搜勦盡殲醜類已革參

將師長鑣到防後屢著勞績此次在橫槎地方擊賊
斬馘甚多嗣以大股屬至力戰陣亡殊深憫惜著開
復原官照例議卹在事出力官紳准酌保陣亡員弁
查明請卹

晏端書又奏言池州青陽等處賊匪蟻聚二月
二十三日從香口橫船渡一帶圖竄徽甯兩路
守嶺川勇衆寡不敵駐防崇覺寺總兵蕭知音

督隊接應賊知後有援師從間道竄入石埭抄
崇覺寺之後蕭知音拔隊馳赴漳村與遊擊石
玉龍連營屯紮力扼內竄鄧紹良派遊擊吳再
升等從涇縣進發相機援勦二十六七等日蕭
知音石玉龍會督守備吳正熙等及署涇縣知
縣高植帶領二十七姓民團兩次敗賊槍斃賊
目二十名俘斬五百餘名鄧紹良現飭蕭知音

扼守涇縣吳正熙扼守萬級嶺一面派副將蔣錫光統領吳再升等凱勇知縣曾繼勳等英勇同所部清勇馳出孝思嶺會合張芾派援太平之師力圖恢復石埭並令涇太民團齊心協助至蕪湖之賊於二月二十七日從紅楊樹分股直撲灣沚並從大王廟後路叢擁而進道員仲孫懋等策勵諸軍會督遊擊楊金榜等分投勦

捕接仗竟日斬獲賊目三名生擒五十餘名殲
斃數百名二十八日該逆二千餘人竄至晏公
廟又分股至龍尾張紮壘我軍四面圍攻火器
齊施燒斃逆匪不少並將逆壘踏毀所有晏公
廟之賊從方山竄至紅楊樹經宣城縣知縣袁
青雲督團會同官軍截殺數十名兩日之中三
獲大勝臣查涇縣灣沚爲內犯要衝我軍節次

擊退賊氛勦辦均稱得力惟涇太一帶嶺隘紛歧而蕪湖賊援又從金陵源源而來黃池灣沚青弋江等處萬分喫緊刻下甯郡兵勇分投派防實屬不敷鄧紹良因建平情形稍緩將前此接防建平之彪勇先行調回臣因現在建平存兵無多且水陽一帶復有賊蹤未可稍疏防範昨已咨商和春請將從前由建平調防東壩之

師飭令仍回建平以資戍守勿使逆蹤內竄奏
入報

十九日

辛未

胡林翼奏言臣查布政使銜按察使

用李續賓忠勇樸誠才堪濟變而整飭營務和
輯士卒亦賴其胞弟李續宜幫辦之力圍鄂以
來力籌戰守悉協機宜克復省城案內李續賓

因係胞弟不列保單經臣查明未便掩其勞勩
又湖南石門縣教諭蔡用錫湘中宿儒夙諳兵
略臣自勦賊以後前後在南省募勇逾萬蔡用
錫訪求勇士咨送來營者居其大半甚屬得力
茲武漢克復未便掩其前勞候選同知李續宜
可否免選同知以知府儘先選用並

賞加道銜石門縣教諭蔡用錫可否以內閣中書儘先

選用並

賞給五品頂戴出自

逾格恩施奏入

上諭內閣曰候選同知李續宜隨同伊兄李續賓籌勦賊匪頗資得力湖南石門縣教諭蔡用錫前後募勇數已逾萬均屬著有微勞自應量加獎勵李續宜著免選同知以知府儘先選用並賞加道銜蔡用錫著

以內閣中書儘先選用並賞給五品頂戴

二十日

壬申

和春奏言三月初八日臣與張國樑

明安泰帶同副將王浚李若珠等領馬步隊分
路進攻句容城外賊營匪徒不出屢以槍礮回
拒我軍冒煙直前愈逼愈近槍礮連環夾以噴
筒火箭緊緊圍攻斃匪不少官兵槍進外濠拔
梅花樁正冀得手適西北門南門各出賊千餘

人奔來我軍迎頭截擊該逆拌死抵敵鏖戰甚
久斃賊多名猶不退走張國樑督率小隊攔腰
橫衝臣帶領馬隊兩面圍抄立刺執旗悍賊數
名賊勢大潰張國樑王浚等揮令兵勇追殺數
里屍徧郊野趕至濠邊槍礮如雨約斃賊匪二
百餘名生擒三十名其溧水之賊又添二千餘
名在高陽橋一帶盤踞副將魯占鼈等帶隊攻

勦該逆始而踞險不戰我軍槍礮轟擊突出賊
數百人來迎魯占鼇等奮擊殲斃甚衆該逆敗
退趕殺數里又斃多名燒燬賊卡二道因路徑
紛歧林木叢密未便窮追計斃賊百餘名砍取
首級二十一顆三月初四日傅振邦虎嵩林帶
領兵勇分攻各門偏近濠邊仰攻多時城上槍
礮絡繹我軍搶過外濠拔樁而進焚燒賊匪望

樓二座燒死賊匪十餘名其高陽橋援賊尙未
退走傅振邦現於南城外築立擋牆用大礮對
城晝夜轟擊使該逆不能安枕以期得手

和春又奏言據浙江巡撫臣晏端書咨稱蕪湖

來賊千餘名竄至灣沚當卽派兵進攻斬馘甚
衆該逆雖已敗退尙在附近一帶東壩建平相
距非遙請派調官兵防守等因臣查蕪湖之賊

既在灣沚附近窺伺建平東壩自應派兵堵禦
以杜內犯前由建平派赴東壩防堵之潮勝勇
七百名應卽飭令仍回建平並由句容軍營揀
派湖南精兵七百餘名交副將朱承先帶領馳
赴東壩防守以昭嚴密奏入均報

同日文俊奏言查饒州北界彭澤都昌東鄰祁

門建德逆匪環伺防兵又單上年十二月間鄂
省敗匪萬餘自都昌闖入鄱陽之泥灣等處經
都司畢金科等往勦該逆竄往浮梁縣景德鎮
並有安徽敗匪七八千由祁門亦竄至浮梁縣
署知縣楊錚帶勇堵勦先勝後敗逆匪遂先後
由樂平萬年安仁等縣竄入撫州餘尙占踞景
德鎮正月初二日畢金科因浮梁縣約會夾攻

於初四日抵鎮而浮梁勇尙未齊畢金科卽率
本營進勦分派千總李飛龍等由各巷口衝入
自帶哨官李克封等由正街進誑伏賊四起鏖
戰逾時竟致潰敗畢金科力竭陣亡饒郡大震
駐防各勇潰敗餘俱移紮角山前十八日署饒
州府知府馮詢移請駐防餘干之都司林保赴
郡協勦二十三日千總陳開榜尋獲畢金科屍

身正收殮間聞大股賊匪由四十里街來撲郡
城林保卽帶勇迎勦賊匪已自北門撲入林保
督隊堵截砍倒執黃旗賊目二名直入賊陣左
右衝突殲斃十餘名賊匪四面合圍林保身受
三傷幸哨官時連科等馳至合力抵禦殺賊數
十水師礮船開礮擊斃無數賊敗退屯聚油墩
一帶此皖鄂敗匪分竄各屬情形也廣信府屬

之貴溪縣毗連撫建饒州調授知縣李元度帶
勇守禦撫州賊匪屢擾貴溪縣之上清廬潭及
安仁縣之鄧家埠均經李元度擊退正月二十
一二等日另股賊匪四五千復由景德鎮竄過
萬年將赴撫郡李元度卽飭彭斯舉等帶隊於
二十三日赴安仁截勦逆匪見官兵已至旋卽
折回萬年二十四日竄擾貴溪之百丈嶺一帶

李元度飛調彭斯舉等同貴一面派吳修敬等帶隊放哨丁家坊之賊卽退回三板橋二十五日該逆改竄弋陽縣彭斯舉等督兵進剿弋陽縣知縣善普率勇嚮導路遇放哨賊六七十人悉爲我軍所殺附城屋內有賊百餘復圍殺大半黃兆霖等乘勢直衝入城遇賊卽殺忽逆黨數千三面包出黃兆霖爲火彈燒傷與彭斯舉

等突圍而出是日三板橋續到賊二千餘李元
度隨將彭斯舉等調回堵禦該逆亦併歸弋陽
彭斯舉等跟蹤追擊善普及同城文武亦率團
來會其先到弋陽之賊已搭浮橋過河後到一
股尙踞弋邑彭斯舉等自北門進攻賊正過河
截殺七八十人賊爭趨浮橋擁擠落水者不少
對河賊黨情急將浮橋拆斷未經過河之賊復

被我軍殲斃多名餘賊竄往黃土港而去當將
縣城收復二月初一日該逆竄擾河口鎮經署
同知孫家鐸等於三更時進剿該逆不知我軍
多寡卽望鉛山奔竄沿途追殺十七名初三日
該逆冒雨來撲鉛山北門署知縣陳汝楨等開
礮堵禦不意西門城牆雨後鬆塌逆匪卽由缺
口衝入數十人縱火焚燬衙署陳汝楨等趕往

撲救值外委李化龍自河口趕到逆匪疑爲援
軍遂卽退竄約殺賊四十餘人該逆旋竄鉛山
弋陽邊界之吳坊一帶並窺伺閩省之雲際關
被該處兵勇擊回現俱竄往建昌而景德鎮地
方於初九日又到股匪數千擾及貴溪萬年餘
干一帶此信郡各屬被擾情形也道員劉于瀆
上年駐兵樟樹十二月初二日派蔡康業等陸

勇及康國器等水師擊沈賊划淹斃賊匪二十
餘名初三日臨江之賊來犯亦爲擊走復探得
三溪館地方有賊千餘營盤四座劉于瀆親率
兵勇進剿殺賊不計其數焚其營壘連日復率
水師及平江勇攻破銅鑼地方賊營三座斃賊
五百餘人三十日臨郡賊匪來撲我營劉于瀆
令何堯臣等分路迎敵平江勇楊三保首砍執

黃旗賊一名賊勢稍卻各軍馳勦該逆自相踐踏死傷甚多直追至臨江城下而還正月十二日復派平江勇數百名赴蛟湖接仗失利幸經水師截住賊不敢追十九日探聞撫州賊匪合皖鄂賊約數萬人赴援瑞臨劉于瀆卽派李逢春等各帶礮船赴新淦截擊逆匪擄得民船百餘號欲渡我軍開礮轟擊賊卽紛紛上岸追逐

三四里將被擄民船奪回二十一日離樟樹十五里之香溪地方有賊數千劉于瀆乘其遠來立派羅玉祥等疾馳進勦該逆不戰而遁追殺數十人是日又有股匪數千竄撲豐城劉于瀆卽帶領礮船助勦鏖戰二時賊始敗退二十三至二十七等日逆匪數千竄至距樟樹二十里之潭埠地方屢次竄撲均經水陸各軍先後擊

敗二月初三日探知黃竹巷地方有賊數千劉
于瀆卽令水陸各軍進勦初五至十四等日擊
敗來援沙湖股匪攻破蕭公廟賊營遂併力齊
攻香溪賊衆膽落盡望新淦竄去此樟樹豐城
疊次防勦情形也補用道劉長佑知府蕭啟江
克復袁州後劉長佑收復新喻進攻臨江之西
蕭啟江先勦上高進攻臨江之北蕭啟江行抵

上高縣之漢塘地方紮營賊分股來撲蕭啟江
開營縱擊敗之進攻上高縣城該逆鼠竄收復
城池搜勦官盤地方焚燬偽監軍傅家淦巢穴
進攻陰岡嶺各路獲勝斃賊數百名落水溺斃
者無算適聞臨江有賊數萬分萬餘至陰岡嶺
撲營湖坊及劉公廟各來大股勢如潮湧蕭啟
江令蕭啟淮等分投迎勦鏖戰四時殺賊六百

餘人生擒數十名餘匪敗竄二月初八日臨江
逆匪二萬復分路來犯蕭啟江督同各將弁迎
擊苦戰竟日殺賊多名餘賊敗匿彭家村道員
劉長佑一軍敗賊於陽門探聞撫州來賊四五
千與臨郡之賊三四千屬聚羅坊劉長佑率隊
往勦賊列陣於羅坊前後不下萬餘人劉長佑
派各營前後抄勦劉坤一等匹馬衝突各勇奮

力直前再接再厲街後之賊先敗街前之賊隨亦沿河潰走追殺二十餘里共計斃匪四百餘名生擒十五名是日卽紮營羅坊並調留防袁郡都司黃三清移守新喻本年正月初間移營大坪地方俟蕭啟江兵至會攻郡垣詎意臨郡賊匪數萬撲營劉長佑正在抵禦伏賊四五千自後路突起以致各營全陷劉長佑退回新喻

該逆自大坪撲營後欲悉眾來犯陰岡嶺蕭啟江一軍甚爲喫重瑞州大營已抽撥湘寶等勇一千五百名策應此分攻臨江劉長佑失利退回情形也臣查劉長佑一軍挫衄退回蕭啟江駐紮陰岡嶺勢甚岌岌瑞州不得不分兵救應吉安又添援賊萬餘我軍苦戰實甚急宜撥兵圍攻撫建擣賊所必救旣可分臨吉賊勢亦可

保全廣信要區而本省急切無兵可撥前經西
安將軍福興會臣奏請調外省精兵惟有靜候
諭旨遵辦都司畢金科身經百戰驍勇超羣此次深入
重地被害甚慘懇請

飭部照遊擊陣亡例從優議卹其餘員弁應請分別辦
理奏入

上諭內閣曰本年正月間湖北敗匪竄擾江西景德鎮

地方都司畢金科等帶兵進剿遇伏陣亡均堪憫
都司畢金科著交部照遊擊陣亡例從優議卹訓導
沈其秀把總朱政平外委王典太毛繼緒唐福星均
著照例議卹署浮梁縣知縣楊錚署浮梁營都司守
備張舉文並不帶兵合勦實屬咎無可辭弋陽縣知
縣善普弋陽汛外委游得才署鉛山縣知縣陳汝楨
護理鉛山營都司胡再陞於城池被擾雖經擊退究

屬咎有應得楊鍾張舉文善普游得才陳汝楨胡再
陞均著革職留任以觀後效儻再不知奮勉卽著從
嚴參辦

二十一日

癸酉

怡良趙德轍奏言查團練鄉兵成

法頗多各省情形不一以江蘇而論或隨營助
勦或在境防堵辦法雖各不同而奮勉圖功則
一內惟六合縣疊次殺賊立功團練尤爲得力

上年江鎮各大營失利附近團練解散其餘各處則仍舊舉行臣體察得實將附近者招集流亡設法整頓並諄飭此外各地方官會同紳董將已團者益加訓練未團者剋期聚集是以丹陽句容亦疊次隨勦出力宜興荆溪燒燬賊船斃匪多名金壇練丁協同官兵保守危城蘇州團練協獲潮匪百餘名盤獲奸細不可數計嗣

奉

旨飭令已革臬司查文經專辦常州團練並令紳董隨
同經理迄今半載有餘各屬轉相倣效規模尙
屬整齊民心藉以安定此皆明效大驗也惟奉
行之得力官與紳均不容偏廢必須審度情形
分段管理以專責成擬請將裏下河各州縣及
通海二州屬責成駐紮泰州之署兩淮運使郭

沛霖督辦江甯府屬之六合江浦責成六合防
堵之已革道員溫紹原督辦上江句容等縣及
揚州府屬之江甘儀徵等縣責成各該管知府
督辦常州鎮江二府屬責成常鎮道喬松年會
同查文經督辦蘇松太責成臬司督辦所有現
任各官均加督辦團練銜其由司督辦者該管
道府州均作爲協理由委員及道員督辦者該

管知府作爲協理由知府督辦者該管圍知縣
爲協理一律加協理銜仍總其成於統轄全省
之臬司至州縣爲親民之官應卽責成各自專
辦而郡有郡紳邑有邑紳除奉

旨督辦之蘇州紳士潘曾瑩等常州紳士趙振祚等經
理有年歷著成效外其餘各處統由地方官遴
選公正紳耆會同經理臣等按照章程隨時考

餘名槍襲經參領富明阿同參將王巨孝等分
左右翼擊其兩旁賊窺中路稍虛直撲我軍幸
叢葦中先伏兵勇候賊偏近齊出賊首尾不能
相顧紛紛奪路奔回殺賊甚夥富明阿等正在
跟追賊衆突又傾巢而出徑向西路土橋一帶
撲去其時副將英貴等在四里鋪整隊繼進卽
分途向西攔截又添調東岸官兵過浮橋助勦

侍衛蘊秀見賊抵死不退復調擡槍銅礮率同
遊擊匡國棟出其不意吶喊而入賊驟見披靡
爲銅礮轟擊應聲而倒者甚衆遂同富明阿會
合併擊壓至濠根守備哈連升等奮不顧身踰
濠追賊手刃多名遂卽撤隊計斃賊四五百名
兩岸官兵俱極奮勇大獲勝仗十四日中下瓜
州又出賊匪千名向虹橋八里鋪窺伺經鞠殿

華同烏爾恭額向前迎敵賊知有備卽刻竄遁
再據探稱金陵近添賊黨竄往江浦拒守特派
總兵成明馳赴浦口察看水陸軍情

德興阿翁同書又奏言查暗襲賊營宜在夜間
而於水師尤便頃據總兵陳國泰報稱本月十
三日密派守備盧瑞祥駕三板二隻快划四隻
順靠江邊潛進至瓜州口門向賊壘圍繞放礮

燈其望樓數間賊衆鼎沸旋因風大浪高駛回
十五日夜又派都司黃廣泰帶船前往將近口
門見有賊船數隻忽前忽卻似欲誘我深入當
卽齊開槍礮擊沈雙桅船一隻賊匪溺斃無數
等語臣等仍檄飭該總兵相機接續襲擾使賊
不得稍息奏入均報

二十七日

己卯

福濟奏言前月巢縣之賊竄擾柘

阜我軍退守該逆卽由西山驛直撲店埠營盤
經副將鮑雲翥嚴堵賊卽紮營西山驛本月初
二日夜我軍冒雨進勦並聲言另派馬隊由梁
園石塘橋一帶夾擊賊卽棄營而逃初八九日
擾及北山口遊騎將抵石塘橋距梁園二十餘
里經團練擊退查廬州三面受敵惟梁園一路

北連定遠西接全椒爲餉需必由之道若有疏
失廬州城守堪虞而鄭魁士嚴守廬城正在喫
緊未可遠離秦定三又自請進扼臨淮別無重
兵可派臣自應力疾馳驅先期偕鄭魁士周閱
城垣商築礮臺適至德勝門上忽聞西門內人
聲喧雜詢知湖南兵及楚廣勇在臣行館索餉
因臣出外乘勢搶劫臣卽馳回彈壓正縱轡下

城馬蹶墮地左膀左髀受傷較重十六日行抵
梁園雖勝駭傷痛祇得裹創從事一面相築營
壘一面至石塘橋閱視形勢俟築定營盤卽速
移紮其廬州守禦一切鄭魁士布置已妥仍令
照常督辦柘皋係東路藩籬已令總兵吉順帶
兵防守和州軍營被圍日久經總兵音德布疊
出奇兵無戰不勝日來已解重圍惟皖餉空虛

滋事兵勇業經鄭魁士從嚴查究臣安徽巡撫
兼提督銜關防一顆亦經遺失徧尋不獲厥咎
難辭應請

旨將臣交部嚴加議處並請

飭禮部重鑄巡撫關防卽行頒給以昭信守奏入

上諭內閣曰廬州大營湖南兵及楚勇廣勇等因該撫
巡視城垣輒敢藉索餉爲詞肆行滋鬧以致該撫關

防失去實屬目無法紀著福濟卽將滋事兵勇查明從嚴懲辦並將不能彈壓之帶兵各官據實叅辦福濟自請嚴議之處著加恩改爲交部議處並著禮部將安徽巡撫關防卽行鑄造頒給以昭信守

福濟又奏言據署廬鳳道金光筋稟稱前月二十六日壽州解圍後該逆在三十里鋪戈家店一帶屯踞接連正陽關有復攻壽州之意該署

道卽派隊進攻行至雙橋集突遇馬賊數百名
直前衝拒我軍施放槍礮斃賊二十餘名正追
殺間該逆步隊約二萬餘人蠶擁來敵馬隊又
從旁回裹兵勇極力鏖戰忽見該逆後隊向南
急趨訪知魯家灣練總孫家熾等各帶練丁三
千在池南橫擊我軍乘勢急攻該逆不支紛紛
敗退計斃賊二千餘名自相踐踏死者不計其

數初九日探得賊在正陽池東之枸杞園紮營
三座該署道復偕副都統德勒格爾等進勦行
至戈家店適有馬步賊數百挨戶搜糧當用鳥
槍奮擊斃賊一二十名餘逆竄回枸杞園該處
西連正陽關東連雙門鋪賊營甚多恐其抄襲
因分兵勇三路馬隊兩路連環圍擊行近枸杞
園該逆突前奮抵我軍槍礮齊施斃賊頗多王

同夏保等將該逆中隊擊敗其左右各隊兩面
兜來復經官兵猛攻兩隊俱敗各營兵勇乘勝
合圍立將賊營三座奪毀追殺十餘里計斃賊
五六百名刺死僞將軍吳守剛僞先鋒楊得應
張璇邦三名兩次割取首級百數十顆等情謹
附片具陳奏八報

欽定剿平粵匪方略卷一百七十三 丁巳年

四月初五日

丙戌

官文胡林翼奏言查小池口下

數十里與江西湖口對峙之段窰楓樹坳獨山鎮等處先後添築賊壘數十座外浚深濠藉爲

小池屏蔽以拒我師三月初九日江甯將軍都興阿先派營總薩林等帶馬隊二百名會同石清吉步隊繞道馳赴小池口東路埋伏續派翼

長多隆阿率領馬步各軍進勦段窰都興阿自
領總管巴依爾呼蘭副將鮑超駐小池口之西
賊分三路出撲經鮑超等擊退其一股往援段
窰被薩林等伏兵前後掩殺斃賊無數維時多
隆阿甫至段窰見賊壘已成該逆又出衆數千
列陣抗拒經營總密雅明阿等射斃騎馬賊目
數名餘逆敗退立將賊壘十餘座毀平追殺至

八里江斃賊千數百名溺死無算十三日多隆
阿等由黃梅馳至楓樹坳賊匪踞山扼險築壘
數里知我軍至賊又分三路出拒各二三千人
多隆阿亦分三路應之副將王國才由中路
進巴依爾呼蘭同提督孔廣順等由南路進祿
昌等由北路直前逆衆抵死抗拒王國才等復
分兵繞出山南賊壘之後擊斃守壘悍賊多名

賊陣大亂紛紛潰竄巴依爾呼蘭等分路掩殺
生擒四十餘名追殺十餘里斬馘三千數百名
時已日暮多隆阿卽傳令乘勝進剿獨山鎮踞
賊遂於十五日四鼓捲甲馳赴至獨山鎮之陶
岸嶺地方賊匪沿山築壘七大座外環深溝護
以樹椿竹籤多隆阿因仰攻不易遂令孔廣順
等以輕騎誘賊出巢而令馬步各隊分伏要隘

時值月明如晝該逆見我軍隊伍星散賊衆出
壘迎敵我軍馬隊縱橫衝殺賊勢披靡而多隆
阿等又已潛令開化勇越濠拔椿躍登賊壘齊
拋火彈焚燒賊篷數百火光燭天賊衆狂奔我
軍踏平賊壘奮力圍勦屍橫徧地又追殺三十
餘里斃賊五千餘名先後溺水死者千餘名生
擒數百名洵足以大挫兇鋒

胡林翼又奏言查九江兩岸馬步水陸欠餉六箇月數逾百餘萬疊據都興阿咨開派兵進剿皖省賊壘大勝四次馬步力戰行糧不敷未能久駐皖省地界楊載福函開水師欠餉已逾六月刻下約會彭玉麟會攻湖口便圖安慶咨請酌給二三月口糧以便越境討賊又密函稱軍氣不揚頗難彈壓等語臣思湖北欠餉已成積

重難返之勢前欠未清後欠又積九江兩岸之
兵以都興阿馬隊楊載福水師李續賓步兵爲
最强卽異日肅清江南亦必賴此三軍之力惟
現在營中飢困情形實有不可終日之勢可否
仰懇於秦晉蜀三省月餉之外

飭令山西巡撫於山西藩庫河東鹽庫項下速籌銀三
十萬兩專濟都興阿馬隊楊載福水師李續賓

步軍雖於舊欠未能清償而目前可免飢潰於
征勦大局必有裨益奏入

上命軍機大臣傳諭王慶雲曰據胡林翼奏餉欠兵飢
請於山西藩庫河東鹽庫速籌銀三十萬兩等語山
西協濟各路兵餉所撥甚多未必有此鉅款惟現在
都興阿進勦皖賊四次獲勝楊載福水師正擬會攻
湖口便圖安慶李續賓步隊亦素稱得力此三軍勁

旅不可多得自應設法籌撥雖不能如所請之數總須先撥一二十萬俾資接濟著卽妥籌速奏

上諭內閣曰此次官軍勦平小池口附近賊壘追至宿松先後斬擒賊首萬餘級辦理甚屬得手著官文等卽飭帶兵各員乘茲銳氣迅克小池口並九江府城以遏賊衝所有出力員弁兵勇著官文胡林翼會同查明並歷次獲勝出力人等彙案保奏

初六日丁亥王懿德慶端奏言據各屬稟報光澤

縣城於二月三十日被賊在南門外地雷轟陷
文武官員不知下落邵武郡城被賊圍住文報
梗塞探聞已於三月初六日失陷援兵接仗挫
潰等情臣等查江西撫州建昌饒州府屬地方
賊匪不下二三萬之多窺伺閩疆已非一日閩
省邵武建甯汀州各府均與江右毗連該逆屢

次竄突均被我兵擊退惟逆黨衆多兼值上游
延建各股匪徒乘機復熾時真內外竄併防不
勝防目下光澤一縣被賊轟陷邵武郡城亦被
竄擾副將張從龍參將琳潤等駐紮杉關接仗
失利先後挫潰邵武爲閩省中權要郡如果被
匪竄陷則建甯汀州延平等府兵勇均屬單薄
萬一旁竄歧擾不但福建全省震動實於東南

大局攸關臣等飛飭延建邵道王肇謙駐師順
昌吉州一帶分紮水陸兩營以杜賊匪南竄副
將馬玉元一軍駐紮建陽使該逆不敢東犯並
飭汀州鎮府速發將弁兵勇在於汀屬甯化各
縣扼要堵禦毋任賊匪由西路竄擾至延平爲
省垣門戶最關緊要臬司保泰駐紮延平會同
興泉永道司徒緒隨時察看情形妥籌布置現

值閩省軍情萬緊兵勇處處單薄兼乏得力鎮
將臣等飛調新授福建水師提督鍾寶三統帶
溫台兵五百名就近由福甯一帶星馳來閩會
剿

王懿德慶端又奏言據各屬稟報邵武府城實
於三月初六日卯刻被逆攻陷官兵壯勇盡陷
於賊臣等查閩省堵防江匪調兵籌餉已及兩

載在防將士尙稱用命此次邵武一府光澤一縣被賊竄陷亟應迅圖恢復惟有悉心籌辦設法鎮撫並飛飭統兵大員務將首先潰散之帶兵備弁卽於軍前正法如有守土各官輒敢棄城逃避卽嚴拏正法以昭炯戒

王懿德慶端又奏言刻下江右大股逆匪闖入閩境藩籬已破兵勇挫潰萬難得力經臣飛調

浙省溫台兵五百名並添調浙兵一千五百名
來閩會剿仍恐稍稍稽時日所有署衢州鎮饒廷
選等所帶之福建兵勇一千名現在玉山等處
防堵已飛調就近前赴建甯駐紮堵禦以杜該
逆由閩入浙要路並委副將吉祥接署衢州鎮
篆建甯與衢州係屬接壤保建甯卽以保浙江
饒廷選折回後閩省軍務稍緩浙江防務較緊

仍當飭令飛速前往協防至閩粵係屬連界亦
經臣咨請兩廣督臣葉名琛酌撥精兵二千名
星馳來閩會勦仰祈

飭下兩廣督臣迅卽調撥勁旅二千名隨帶口糧派委
得力提鎮大員統帶來閩並請

飭下浙江撫臣一體飛催總兵饒廷選軍先行回閩勦
辦以顧全局

王懿德慶端又奏言三月初八日副將張從龍
因光澤縣城被逆攻破商令琳潤督帶兵勇馳
往援救行抵距縣城二十里之小嶺坡下遇賊
接仗抵禦不住琳潤退回杉關二十四日張從
龍琳潤同時又退至邵武查該副將等既不能
激勵兵勇星馳援救力解光澤之圍輒敢節節
退避以致閩省藩籬頓撤旬日之間連陷府縣

城池各軍聞風渙散實屬玩誤軍務應請

旨蔣副將張從龍參將琳潤一併革職拏問按律從重
治罪奏入

上命軍機大臣傳諭葉名琛王懿德晏端書曰江西大
股賊匪由光澤竄陷邵武亟應調兵堵禦該省與粵
東接壤赴援較易所有王懿德咨調兵二千名著葉
名琛如數撥往派委得力大員統帶星馳赴閩交王

懿德調遣饒廷選一軍前因廣饒賊氛甚熾經晏端書調赴玉山防堵現王懿德擬將此項兵勇調回建甯固爲軍務緊急起見惟玉山爲全浙門戶堵剿甚關緊要著晏端書酌量緩急如玉山防務尙有妥員可以更替自應卽令饒廷選回閩助剿儻因饒廷選久駐該處驟難更換浙省現有何項兵勇可調卽著晏端書速爲調撥派委妥員管帶赴閩其王懿德所

調提督鍾寶三帶溫台兵五百名並著晏端書催令
迅速起程

上諭內閣曰此次江西賊匪闖入福建光澤縣城復陷
邵武府副將張從龍參將琳潤均著革職拏問交王
懿德嚴審確情按律從重治罪邵武爲福建中權要
郡王懿德現旣添調兵勇前往督勦著卽將該府縣
城池迅速克復

王懿德慶端又奏言查閩省庫儲本非充裕向
賴外省協解以資兵餉邇來各省協餉久無解
濟且自咸豐三年以後內則勦捕土匪外則防
堵逆寇需費浩繁數年來搜羅殆盡茲值兵勇
雲集軍糧未便稍有短缺若不迅籌撥濟必致
貽誤軍糈惟有籲懇

天恩俯准在鄰近各省指撥有著之款五十萬兩務令

星夜解閩俾資接濟奏入得

旨戶部速議具奏旋經戶部議覆擬於浙江廣東等省
共撥銀二十萬兩其不敷銀兩卽在本省酌量
動用

上從之

同日秦定三奏言臣自廬州督帶吉林馬隊陝
西官兵起程行次梁園會晤撫臣福濟籌商一

切卽馳抵臨淮令關保所帶吉林馬隊隨同渡
河紮營北岸查臨淮水路上接正陽下通清江
陸路北連徐泗南連廬郡現在淮河南北各處
匪徒乘釁肆起意欲勾結逆賊從閒道繞竄臨
淮窺伺廬州餉道臣因飭各將弁多築營壘添
樹旗幟徧貼告示勸諭鄉團搜捕或可聞風斂
跡奏入報

初七日

戊子

福濟奏言查秦定三原帶黔兵戰守

尙屬得力舒桐百戰之後傷亡過半而曠悍性
成往往因欠餉數多肆意譁譟秦定三力難鈐
束該營弁兵多方脅制其請赴臨淮實欲假防
堵北路之名藉以截餉肥私居心殆不可問黔
兵臨行復騷擾搶奪經臣福濟飭令地方官紳

驅逐至定遠又有婪索供應搜毀衙署之事現
在各省撥解廬營餉銀米麥均由臨淮一路行
走儘任黔兵任意截留則南路數萬飢軍性命
莫保且臨淮關稅卡釐專供淮北勦捻兵勇口
食聞該提督札委員弁相地設卡壟斷圖利恐
南北各軍皆受其累若驟加整飭必至激生事
端再四籌思惟有懇

恩嚴飭該提督仍帶黔兵眞勝勇一千二百名速赴江
南隨勦惟皖兵驟減分撥更恐不敷應請

旨飭令和春撥還精兵千餘派得力戰將管帶來廬以
資防勦其秦定三前調赴臨之漢中兵五百名
吉林馬隊二百名並可令其留守藉資控扼奏
八

上命軍機大臣傳諭福濟曰秦定三駐紮臨淮原爲疏

通餉道既據福濟聲稱現在餉道已無虞梗阻著傳
諭該提督卽帶所部兵勇遵旨馳赴丹陽和春軍營
助勦其漢中兵及吉林馬隊仍留臨淮以資扼守至
和春營中前已派兵八百名馳赴廬州本日復諭該
大臣酌量添撥與秦定三帶往兵數相當惟江南兵
力亦非有餘能否添派諒和春必能斟酌妥辦也

上
又命軍機大臣傳諭和春曰前諭提督秦定三赴和

春軍營助勦本日復諭令統帶所部兵勇卽日由臨
淮起程惟廬州堵勦正在喫緊秦定三帶去兵勇自
應江南軍營酌撥抵還除前據和春撥兵八百餘名
派委協領玉昆等帶赴廬州外著再酌撥兵勇數百
名以抵還秦定三帶去兵數並催玉昆等先行迅速
赴廬續撥之兵卽飭速往以資援應

初八日丑己晏端書奏言據督臣王懿德來咨閩

省光澤縣及邵武府城相繼失守札調溫台官兵並飭署衢州鎮總兵饒廷選前赴建甯堵剿臣查饒廷選接署衢州鎮以來熟悉廣信三衢地勢民情勢難另易生手奏乞

天恩俯准將饒廷選一員仍令署理衢州鎮總兵俾資調度實於江右浙江均有裨益所有浙省調閩官兵除鍾寶三帶領提標溫台兵七百六十名

從福甯取道邵武外其另行調派之金處兵三百二十名卽飭副將吉祥統帶徑抵建甯聽候調遣至由閩入浙惟江山浦城交界之仙霞嶺天險可憑臣已咨行饒廷選等趕緊設防此外山徑可通之路自處州以至金華防不勝防亦已通飭浙東各屬文武擇要堵禦毋任匪蹤闖入奏入報

聞

十二日巳癸怡良奏言臣自上年九月患病兩次請假調治本年正月銷假視事舊疾日增非但怔忡不寐重聽健忘且遇事焦思便覺頭暈心搖形神若不相攝伏念兩江總督事繁責重現當軍務方殷籌餉籌防均須隨時經畫斷非病軀所能從事惟有仰懇

天恩俯准開缺調理以免貽誤奏入

上命軍機大臣傳諭何桂清曰據怡良奏病難速痊已降旨准其開缺調理並令何桂清署理兩江總督何桂清交卸浙江撫篆已久此時計已起程兩江總督責任綦重現當賊氛未靖兼有籌防籌餉各事宜急切需人經理何桂清接奉此旨無論行抵何處著卽迅速赴任

同日福興文俊奏言查侍郎曾國藩於上年九月間赴瑞州並派五營楚勇前往十二月間因楚師會於潯陽該侍郎旋由吳城鎮往九江一行本年正月奉新克復該侍郎由省帶領吳坤修一軍同赴瑞州爲開竄長濠之計自是省城遂無曾國藩之楚軍現在守城皆本省兵勇四千餘名其水師外江則總兵楊載福統之內湖

則道員彭玉麟統之外江距省尤遠至同知曾國華在瑞營聞訃回籍所轄湘勇改由同知李續宜管帶今奉

旨令楊載福就近統帶曾國藩一軍並將曾國華歸楊載福等調度臣等遵卽行知該總兵欽遵辦理惟九江之於瑞州南北相距數百里聲息難通况潯江一城臬司李續賓攻江之南岸將軍都

興阿攻對岸之北楊載福之水師則據江之中
流兼顧內地恐有不能是以臣福興前於曾國
藩離營後卽馳赴瑞州激勵全軍加以拊循每
戰皆能用命目下撫建兩屬賊勢蔓延日久臣
福興原議進攻撫建嗣以西路喫緊各營亦無
兵可分因卽暫駐省中就近策應大局所繫本
不敢顧此失彼惟是瑞圍更緊逆勢更窮惟有

聞

趕緊督催進攻以期此城速下再行攻勦撫建
奏入報

十五日

丙申

德興阿翁同書奏言查三月二十九

日瓜州大股賊衆約二千餘名忽出巢向土橋
奔突經參領富明阿等帶領馬步馳往截勦賊
卽紛紛敗走其時雙橋賊匪亦與我軍相持忽

放聲吶喊敗賊復結隊折回併股轉戰富明阿
又由小蘆莊繞擊賊後委營總蘇沖阿先在郭
家汊埋伏及是合併圍抄共斃賊三百餘名初
二日夜間復督飭馬步官兵銜枚而往焚燒賊
卡多處並殺守更賊數名水陸諸軍輪流撤換
表裏夾擊陳國泰水師又擊沈大船多隻初四
日二更後臣等先飭副將毛三元密派投誠勇

丁多名潛至賊營左近徧插火繩以作疑兵意在誘賊竟夜驚惶疲於奔命然後大兵掩至乘其倦惰分路痛勦又察知賊中死黨多在上中瓜州其西北面拒守尤堅當卽分撥馬步官兵五路進攻各令於辨色之前趕到部署已定臣德興阿親往東岸王家大院督攻下瓜州賊巢臣翁同書親往八里鋪策應各路同時齊進連

奪卡隘已直撲下瓜州玉皇關巢臣德興阿派
令總兵成明等攻其西協領烏爾恭額等攻其
東副將英貴等在後接應卽親率遊擊趙樹棠
等由中間長驅直入兵勇各冒險晷渡重濠勇
氣百倍毀其礮臺兩座兵勇架梯薄城多被砍
傷相持數時之久共斃賊五百餘名其總兵鞠
殿華等分往兩岸四里鋪等處亦各斃賊數百

名水師陳國泰於寅刻帶船攏近瓜州江岸回
環轟擊毀其望樓將其江邊架放大礮擊沈搜
殺蘆葦中伏賊百餘名其由南岸渡江來援賊
船亦擊翻數隻查自三月以來無日不戰該官
兵等亟圖滅賊艱瘁罔辭自不難於迅克奏入
上命軍機大臣傳諭德興阿翁同書曰此次進攻瓜州
賊壘旬日之間俘斬甚多自應乘此銳氣亟圖攻克

惟江浦爲南北要衝自二月十九等日該逆出巢被
擊後迄今將近兩月如何設法籌攻該大臣等未經
奏及已革候補道溫紹原在軍營數年募勇助勦頗
資得力前經德興阿因其干預保舉奏請革職原屬
咎由自取現在該革員仍留六合防堵若責令帶勇
隨同官兵迅圖克復江浦許其立功自效以贖前愆
該革員諒必感激思奮當此禦侮需才之際正宜賞

罰並行以收指臂之助瓜州賊勢日蹙當有克復之
機現在金陵逆首以句容溧水牽掣我軍坐守金陵
毫無顧忌得以分兵四出擾及徽廬內竄東壩使我
防不勝防儻能先克瓜州則水師即可進取金陵鎮
江之賊勢成孤立不難水陸夾攻以圖克復而金陵
失其犄角之勢冀有轉機該大臣等毋得日久因循
坐待兵疲餉乏致有意外之虞

同日和春奏言查勾容賊匪負嵎甚固必須趕
緊攻勦三月十四日飭令副將王浚等攻北門
外賊營派總兵謝焜等帶兵接應營總色爾固
善帶領馬隊相機截殺張國樑親督各隊往來
策應臣和春居中調度逆匪卽從西門突出千
餘名內騎馬者百餘名遽擁來撲我軍且戰且
退誘至西山梁官兵兩面抄襲張國樑橫衝而

出臣和春帶馬隊從後兜剿該逆前後受敵旋
卽驚潰追殺四五里殲斃不計其數趕至濠邊
適賊營突出二三千人飛奔來援經李若珠等
迎頭截擊又斃賊多名其南門之賊明安泰督
率官兵分路齊進奮力攻勦城內突出千餘名
兵勇直前迎擊斃賊不少接仗多時忽又來賊
千餘名經朱景山帶勇抄至賊後兩面夾擊賊

勢大敗四月初二日臣復派撥隊伍與張國樑帶領兵勇進攻南門外及山岡西南賊壘兩路官軍分途急進西北兩門出賊二三千名來撲張國樑揮令官軍一齊突出兩面夾攻臣督隊攔衝約斃賊五六百名南門賊營又出賊千餘名明安泰督兵分勦鏖戰甚久殲斃尤多初三日臣同張國樑明安泰德崇額率領官兵分途

進攻西北兩路賊營各出賊千餘名分路來迎
張國樑帶領王浚等衝入賊隊卽令色爾固善
等帶同馬隊左右分抄痛力刺殺逆屍枕藉追
至賊營外濠李若珠揮令兵勇冒煙而進圍攻
多時斃賊四五百名砍取首級無數臣仍當督
率官兵趕緊攻勦迅圖克復

和春又奏言據余萬清呈稱三月十二日總兵

李志和等分攻鎮江南門及南水關虎頭山賊營並先於東北兩面擇要設伏以杜抄襲該逆突出二三千人分股來迎我軍奮力直前立斃多名該逆敗退東北兩門復出賊二三千人來援官軍兩面包抄約斃賊三百餘名十九日鎮城東南兩門並南水關虎頭山突出賊三四千意欲攻撲官軍營盤經巴棟阿等帶領兵勇分

路迎勦斃賊三百餘名又據傅振邦等稟稱三月初十日督同副將魯占鼇等分路直逼溧水城下仰攻多時東南兩門各出賊數百人來迎魯占鼇等揮兵擊勦旋即敗走二十七日探得援賊數萬人由博望大里山小茅山一帶築壘分三路而進卽督飭李定太等分路攻勦誘至山後前後夾擊馬隊兩旁圍抄逆勢披靡適西

北兩門各出賊七八百人直撲我軍營盤經魯
占鼇等以礮轟擊南門復出賊千餘人況文榜
等出營截殺其勢稍卻我軍乘勢壓下斬馘甚
衆餘向城中敗逃約斃賊三百餘名二十九日
博望援賊又分撲我軍營盤當派隊伍馳往攻
勦復飭托克通阿等馬隊從旁抄擊張玉良馮
子材亦帶隊截勦斃賊無數四月初一日復派

馬步隊先攻小茅山一帶賊營李定太揮兵一擁而進立將小茅山賊壘十座先後奪獲追殺十餘里初二日傅振邦等分路馳赴求山攻勦賊營忽山後突出二三千人分途來援我軍奮力迎勦乘機衝入卽將求山一帶賊壘三十二座次第奪獲約斃賊三千餘名查溧城逆匪經官兵節次圍勦勢已窮蹙外賊大股來援均經

聞

立時擊退自當乘勝進攻迅圖克復奏入均報

十六日丁酉駱秉章奏言楚軍克復袁州分宜各

城後江西西路諸賊仍堅踞瑞州臨江吉安三

府城池臣飭卽補道劉長佑率所部五千人由

分宜進勦新喻以攻臨江之西南知府蕭啟江

率所部三千五百人由萬載進復上高以攻臨

江之西北維時吉安諸軍兵力尙單復調參將
田興恕新舊虎威軍一千二百餘名與劉長佑
分道前進劉長佑率所部進駐分宜於上年十

二月初九日卽攻克寶山賊壘乘勝尾追立復
新喻縣城餘賊擊退節節掃蕩而前現在劉長
佑一軍已進駐羅坊其蕭啟江一軍於上年十

二月十三及本年正月二十七二月初三等日

在上高縣等處疊獲大勝先後斃賊數千臣以該軍尙單飭直隸州知州劉騰鴻等馳往助之又密飭道員王鑫不必專駐一隅惟確探悍賊大股所在星馳雕剿庶臨吉瑞一帶有此一支勁旅策應三城有一先下兵力足敷調遣自可剋期掃蕩奏八

上諭內閣曰湖南官軍克復袁州分宜郡縣後江西西

路諸賊仍踞臨江等處經略秉章飭令道員劉長佑由分宜進勦踏平寶山賊壘立將新喻縣城克復蕭啟江及劉騰鴻自瑞州分援各軍復擒斬賊數千名現在劉長佑進駐羅坊該撫飭道員王鑫馳往會勦著卽督飭各軍剋期掃蕩迅復堅城

駱秉章又奏言查安福旣克臣卽札飭駐防茶

陵州鄆縣攸縣官軍各自防所進攻江西永新

永甯蓮花廳等廳縣並委知縣劉拔元等由桂
東進攻江西崇義上猶龍泉等縣上年十二月
間趙煥聯率所部兵勇千五百人進勦永甯縣
城共斃賊二百餘名遂復縣城復有三堡之捷
斃賊五百餘名十九日有花木凹之捷斃賊數
千是日鄱縣官軍亦有橋嶺之捷斃賊亦近千
名千總胡國安會同江西地方官兵至永新蓮

花廳則賊已聞風潛竄遂並入城三廳縣一律
肅清劉拔元復約同桂陽縣官紳帶勇進剿崇
義於上堡地方遇賊擒斬五百餘名適江西南
安府官兵亦到同復縣城紳士李召棠等又擊
賊於淋洋殺賊數百名而上猶賊已潛遁十一
月十五日胡兼善等進剿龍泉之陽湖賊巢斃
賊七百餘名十七日分路擊賊於山坳士卒入

險各懷鬪志斃賊甚多遂移營搜勦黃坑樟木坑之賊正月十六至二月初十等日各路亦疊有斬擒該賊悉數退踞龍泉縣城萬安之賊及崇義上猶永新永甯各賊亦均退聚於此比官軍偪城而營賊衆五千餘分兩路出城來撲劉拔元等豫伏營前賊至伏起共斃賊八九百名臣當嚴飭各軍相機進勦以期將失陷城池悉

行收復奏八報

十七日

戊戌

福興文俊奏言峽江賊匪三千餘人

分赴城鄉擄掠吉安府知府黃冕派出柳萬春等乘其無備帶隊往襲直抵縣城分三路殺入賊衆驚竄出城由南門渡河我軍前後包抄斃賊數十人落水溺斃無算當卽克復縣城二月

二十五日吉郡各營分路進攻郡城賊自城內
及壘中約出四五千入救護我軍四面壘擊殲
斃賊匪五百餘人三月初七日西南兩門忽出
賊五六千人分布賊壘之前北門出賊約三四
千人漸逼我營濠溝同知趙煥聯卽派趙福元
等率勇猛擊賊卽敗退西門復出賊三千餘人
拌死回撲趙福元揮勇力戰趙煥聯等率勇齊

出副將周鳳山亦派兵馳赴接應賊卽敗退入城又探得永豐又來賊四千餘人竄至水南僞國宗韋逆帶賊二千渡過水東會合上竄張家渡初八日復聚賊三四千分股來撲適蕭開印水師駛至各乘三板船飛棹夾攻殺賊無數下游河干水師乘勝齊進立將浮橋焚斷殺斃斃斃賊匪不下千餘人十三日戰船卽駛赴下游

焚燬賊船七隻斃賊數百人近城一帶河面一律肅清十五日各營大舉環攻三路齊進直抵城根城壘之賊均負固不出臣等仍飭令統帶各員督率弁勇乘此聲勢設法圍攻迅復要郡福興文俊又奏言據探報臨江之賊均紛紛自新淦以上竄逸渡河東行約有一二萬人如果賊勢散走則攻臨自易得手惟竄建竄信尙未

可知查此時西路情形瑞圍已嚴臨賊分路敗
散機勢均已較鬆而東路倍形喫重兼之前由
湖口鎮遁竄之匪會同瀘溪等處逆賊攻奪分
水關突入閩界間已擾及崇安光澤兩縣現與
建昌撫州賊勢均可聯絡一氣且崇安壤接鉛
山爲廣信前路設該匪被勦回竄抑或分擾鉛
邑則信郡之防尤要臣福興擬趕緊出省籌辦

東路一切堵剿事宜奏八

上命軍機大臣傳諭福興耆齡曰現在該省西路軍情瑞州已嚴密兜剿臨江之賊亦紛紛敗散惟由新淦渡河東行者約一二萬人恐其併入撫州一路或分竄建昌廣信是東路情形倍形喫重福興現在趕緊出省籌辦東路防剿事宜是否往廣信抑係先往撫建著卽相機酌辦先其所急何路最要卽先由何路

進兵文俊在任兩年毫無布置致令江西賊匪擾及
閩省光澤邵武相繼失守若不力加整頓必致不可
收拾現已授耆齡爲江西巡撫著卽會同福興籌畫
機宜務使各路軍情日有起色方爲不負委任

福興文俊又奏言三月十五日永泰墟東西兩
岸來賊千餘人意欲撲犯我軍營盤經該營官
等奮擊賊卽潰散十六日賊復分股來至金樓

墟地方搶擄並於石橋上砌築礮臺拒守道員
劉于瀆派定隊伍水陸齊山衝殺該逆見仗卽
潰正值春水發生劉于瀆於二十三日親督戰
船徑抵臨城並派廣勇等營陸路紮住以備接
應我軍兩路包裹擊賊大勝其西路知府蕭啟
江一軍道員劉長佑一軍前於逆衆由羅坊上
犯當經督率各營奮勇迎擊賊勢遂卻至續派

赴援之道員王鑫計已統師前進不日亦可會
合進剿奏入報

聞

二十七日

戊申

王懿德奏言江右逆匪竄擾閩疆

疊陷光澤邵武郡縣延平建甯一帶土匪乘機
復熾提臣鍾寶三尙未到閩刻下建陽崇安順
昌等縣情形喫重延郡防剿緊要所調福甯兵

五百名現已到省 臣親自統帶於四月初四日
自福州起行前赴延平駐紮督飭代理臬司趙
印川及文武員弁率帶兵勇分布堵剿總期防
範嚴密迅殲醜類至省城根本重地業經飭派
省標兵丁協同旗營官兵水陸設防尙屬周密
奏入報

二十八日酉己福濟奏言查秦定三駐紮臨淮迄
今尙未據報起程臣隨時訪察聞其管帶黔兵
之遊擊聶桂榮都司費國亮居心險詐遇事把
持與不法兵勇勾串一氣秦定三爲其脅制該
弁等在盱眙五河等縣搜截來餉勒派捐輸似
此情形斷不可任其久留臨淮致滋擾害應請

嚴飭秦定三卽日帶領貴州兵及眞勝勇馳赴江南務

令沿途安靜毋許藉端逗留奏入

上命軍機大臣傳諭福濟秦定三曰前因福濟駐兵梁園廬州餉道無虞梗阻特諭秦定三卽帶貴州官兵及眞勝勇一千二百名馳赴和春軍營助勦現在江南軍營攻勦喫緊著秦定三卽帶所部兵勇剋日前往丹陽勿許再事逗留其各省撥解皖餉經由道路卽著福濟設法疏通以資接濟

同呂晏端書奏言蕪湖之賊竄入灣沚經我軍
擊退後該逆糾集金陵黨與窺竄黃池灣沚並
欲從紅楊樹圖竄甯國提臣鄧紹良當派守備
張宏升等分路助剿四月初六日道員仲孫懋
探得蕪湖逆黨分股直竄黃池該道雇覓鄉導
於初七日直抵查家灣其時蕪湖南坪之賊分
出兩股一竄方村一竄紅楊樹鄧紹良復飭遊

擊吳再升等馳往策應各軍接仗二十餘次斃賊甚多其方村之賊仍竄踞山西圩而蕪湖賊兵又添集黨援欲圖報復臣已飛咨鄧紹良抽撥勁兵於紅場樹添設一軍藉以力遏兇鋒惟據浦城縣稟稱崇安建陽亦已失守上游情形喫重復抽派省城操練兵五百餘名交參將卓大林統帶馳赴仙霞嶺駐紮又調知府畢大鈺

聞

帶楚勇六百餘名及遊擊溫標等帶甯國所部
彪勇八百餘名一併飭赴三衢交饒廷選等分
撥派防奏入報

二十九日 庚戌 王懿德奏言查江西賊匪於三月

十九日攻陷建陽縣城又有江西另股匪徒由
鉛山一帶竄撲崇安縣城旋即失守又據報邵

武府屬之泰甯建甯等縣亦已被陷查江右大股賊匪分路竄撲我軍顧此失彼勦辦本屬棘手惟該管文武並不認真籌防設法固守輒敢空城待賊以致該逆乘虛竄突連陷城池應請旨將署建陽縣事候補同知王華署崇安縣知縣楊丙生署泰甯縣知縣蔡嘉禾建甯縣知縣楊士箴先行一併革職由臣拏解嚴審如係棄城逃避

卽行明正典刑

王懿德又奏言據報建陽逆匪於三月二十七日直撲建甯郡城勢極兇猛該郡壤接三衢設有疏失衢防愈形喫重前調總兵饒廷選統帶福建兵勇一千名回駐建甯迄今尙未回閩新授福建水師提督臣鍾寶三經臣疊催迅帶溫台兵五百名由溫州福甯前來會勦鍾寶三杏

無隻字吞覆刻下建甯被困延郡存兵無多防
勦萬分喫緊惟有飛催代理臬司趙印川迅卽
酌帶現到兵勇馳赴建甯援勦務期立解城圍
疏通餉道仍仰祈

聖恩飭催饒廷選鍾寶三兩軍迅速來閩助勦奏入

上命軍機大臣傳諭王懿德晏端書曰江右逆匪闖入
閩疆自攻陷光澤邵武後建甯府屬之崇安建陽邵

武府屬之秦甯建甯四縣城池相繼失守復敢圍攻
建甯府城賊衆兵單該督請催饒廷選帶勇折回浦
城並令鍾寶三統兵趨赴延平所奏情形實屬緊急
昨據晏端書奏已調溫台兵七百餘名由鍾寶三帶
從福甯取道邵武金處兵三百餘名飭吉祥帶往福
甯著晏端書飭令迅速趨入閩境饒廷選一軍因三
衢防務喫重未能折回閩省惟該撫昨奏派往三衢

防堵有甯國彪勇八百餘名派往仙霞嶺駐紮有操
練兵五百餘名楚勇六百餘名不必令其株守待賊
著晏端書卽飭堵剿仙霞嶺將弁拔隊前進再由三
衢防堵兵勇內酌撥千名一併前赴建甯歸王懿德
調度王懿德業已出省前赴延平著卽親督各兵相
機調度以期殲滅羣醜

上諭內閣曰江西賊匪分路竄入福建建陽縣城另股

匪徒竄入崇安縣城並邵武府屬之泰甯建甯二縣亦均被陷該地方官並不認真籌防以致該匪乘虛竄突實難辭咎署建陽縣事候補同知王華署崇安縣知縣楊丙生署泰甯縣知縣蔡嘉禾建甯縣知縣楊士箴均著革職拏問交該督查明如係先期棄城逃避卽著明正典刑其餘在事文武員弁下落並著查明具奏